



UNIVERSITÄTS-
BIBLIOTHEK
PADERBORN

Universitätsbibliothek Paderborn

Compendivm Summæ Card. Toleti

Minucius, Genesius

Sammieli, 1613

De resolutione aliquorum dubiorum circa famam cap. 65.

urn:nbn:de:hbz:466:1-41701

quam alium, & apud multos, quā paucos. Potest etiam esse veniale si fiat absque intentione nocendi, vt ex ioco tantum, modo tamen inde non oriatur re ipsa notabilis infamia, quām detrahens potuerit præuidere, vel si desit deliberatio & aduertentia sufficiens, vt cum quis ex vehementi ira alterius crimen detegit, nam etiam tuāc est tantum peccatum veniale sic detrahere.

De Resolutione aliquorū dubiorū circa famam. Cap. 65.

Manifestare crimen alicuius quomodo cunque in famati intentione noctidi, est peccatum contra charitatem. Deinde peccat contra charitatem & iustitiam cum obligatione restituendi, qui alicuius crimen publicum etiam propter iudicis sententiam, postquam bonam famam

recuperauit, manifestat, sine legitima causa, qualis esset ad vitādum nōcumentum corporale, aut spirale, alicuius siue particularis, siue communitatis, vt si quis vulgo habitus bonus homo, alio tamen in loco damnatus furti vel hæresis, versaretur inter aliquos, quibus periculū esset ne noceret in bonis corporis, fortunæ, vel animæ, nam tunc liceret illis significare qualis ille fuisset vt ab eo sibi cauerent, eademque esset ratio, si aliquis eligendus esset ad dignitatem aliquā publicam, ab iis, qui eius incapaci-tatem ignorant, vnde etiam tunc liceret eam illis aperire. Si verò nondum bonam famam recupe-rasset, non esset peccatum contra charitatem, nec contra iustitiam, in eade n̄ vrbe ignorantibus, ma-nifestare, quod fecit. Manifestare a. in aliis locis longè distantibus, vt per litteras crimē alicuius de se publicū, vel per iudicis sententiam

quo non peruererat nec perueniturum erat, & est contra charitatem, & ideo illicitum: & esset contra iustitiam, si inde damnum aliquod famæ in consanguineos, vel aliud corporale, in ipsummet difamatum redundaret.

An quis seipsum infamare possit
Cap. 66.

CAETANUS negat licere etiam in tortura se infamare, quod tamē Sotus; & Nauar affirmare videntur. Certum tamē est, inquit Toletus: * Primo non esse contra iustitiam seipsum infamare, nisi inde documentum aliquod in alios derivetur. * Secundo se infamare sine causa esse contra charitatem, & mortale quando quis sibi falso imponit crimen gravissimum, ut hæresis, secus si tandem occultū reuelaret, vel crimen non esset ita graue, & abesser peritum.